


國家圖書館善本金石組 編

【北京圖書館出版社】

LE DAISHI HUJIBIAN
SHILIAO

歷代石刻史料彙編



乾元景
造像跋石



國家圖書館善本金石組編

歷代石刻史料彙編

一

北京圖書館出版社



元

句容縣重修學記

昔范公純仁知襄邑學校皆一新之擇鄉之賢者以董其事教聽正之口每親至學而加勸誘公口載在汗青而邑學之子若孫德公者厚句容為金陵屬邑學在縣治之東始建于唐之開元中口口教日以隳迨宋皇祐二年常博方君口君茲邑且陋與圯口有新意既邑令葉君表乃改卜于驛面挹三峯寬闊爽塏則元豐二年也紹興而後尹加意于學校者如龔如俞如吳修學各口于時來者有稽欽惟聖朝口口區宇文治開明是學於口燬後復得主學并今謝起東力任起廢用功有漸殿宇已完口峯王公按部委邑令何君源力勉諸儒以迄于成厥後職

江甯金石記卷六

六

江甯金石記

(清)嚴觀撰

清宣統二年刻本

教者視如傳舍循至傾踣口口至元口兀顏君瑛來宰是邑寬以愛民恭而下士口先聖于學宮顧瞻殿宇橈壞粉堊剝落慨然口設學以化于邑尹之事謀之學舍口者口口均其力莫不聞風而應命教諭翟之祥端雷震陳炳度木鳩工不兩月而廢者興矣自大成殿至明德堂從祀齋無櫛星戟門廩庾庖滷靡不完葺又剏西偏別屋三間為學子游息口樞使澹庵張公扁之曰芳潤是役也士悅而民服其有弦歌之漸乎尹之嘉惠學校至矣而紀其實者教諭董欽許濬與邑士來述其事屬文龍為記承乏鄉校誼不得辭姑摭其概以告蕭口曹隨其碑范公專美云

右碑行書建康路儒學教諭口文龍撰句容縣尉董信書將仕郎句容縣尉蕭善篆額元貞二年七月立元制

縣分上中下三等上縣又設達魯花赤掌縣印以知縣
為尹掌判署事上縣置丞中下只設簿尉句容元之上
縣也碑云尹加意于學校如龔如俞如吳者謂龔濤俞
河吳琪也濤字仲山東平人紹興二十四年縣尹河濤
熙九年縣尹琪括蒼人紹定間縣尹皆邑之名宦

僧覺春題名

當寺南觀音院徒弟前山門首座僧覺春為見本寺三門地面
年深損壞不堪行履由是發心謹抽衣資收買磚灰作料命工
除剔舊磚重新發砌總計八間及油飾等今已畢工集茲良因
上報四恩下資三有者肯大德七年歲在癸卯解製日圓滿謹
記

右題名正書刻于崇明寺莊功德記之側

江甯金石記卷六

觀世音菩薩傳略

并像

觀音生西土諱妙善妙莊王第三女也生而聰慧斷葷持戒將
笄王欲招婿觀音忤旨王窘辱之擯諸白雀寺命僧驅役如奴
觀音志益堅甘勞瘁若有神代之者僧聞于王王謂誣縱火焚
寺五百僧皆煨燼惟觀音端坐火中誦經不輟王乃召還反覆
譬曉之觀音上白以生死故王愈怒押棄市刀自折虎咆哮負
觀音去寘之林中未醒夢青衣二童引至鄴都見所謂閻王者
返送極茶見罪人到燒春磨苦楚狀為之誦經得釋比覺林中
毒龍惡獸各相驅逐欲別營一齋忽老人啖以仙桃導至香
山于此修煉數年成果也一日坐齋中遙見父王病瘡瀕死懸
金購醫莫有應者爰幻形為僧詣闕奏必得至親手眼可療至
取諸二女不用命僧復奏香山仙長濟度羣生誠一開口手眼

可得王遣使求之仙長慨然斷手眼付之持歸僧和藥以進王
服之即愈大喜拜僧高爵厚賚不受但云仙長有大功于王且
日不可不自往謝王命駕往見仙長果無手眼血淋被體且駭
貌肖觀音必三女妙善也悲慟顛天完之少頃仙長手眼已干
數矣于是觀音下拜與王敘父子甚驩勸王修善從之後亦同
沖舉也觀音居西天入佛會常開救苦之門廣示有情之路遍
觀古今之世音普察人間之善惡故有觀世音之號云

戊戌初夏與友人王小石作清涼山下之遊得石碣一
高二尺許乃趙魏國夫人所畫觀音大士像上方楷書
觀音傳略後署大德丙午春三月清明日吳興弟子管
氏齋沐焚香拜書法像端嚴字畫秀整相與讚歎得未
曾有夫人名道昇字仲姬吳興人趙孟頫松雪集稱其

江甯金石記卷六

翰墨詞章不學而能心信佛法手書金剛經至數十卷
以施名山名僧此本殆當時施諸寺中者也因奉置于
左所巷地藏庵內曩見北史王邵傳云文獻皇后崩邵
上言大行皇后聖德仁慈福善貞符備諸秘記皆云是
妙善菩薩不解所謂讀此傳乃知妙善即觀音之名耳

加封孔子碑

上天眷命皇帝聖旨蓋聞先孔子而聖者非孔子無以明後孔
子而聖者非孔子無以法所謂祖述堯舜憲章文武儀範百王
師表萬世者也朕纂承丕緒敬仰休風循治古之良規舉追封
之盛典加封大成至聖文宣王遣使闕里祀以太牢於戲父子
之親君臣之義永惟聖教之尊天地之大日月之明奚馨明言
之妙尚資神化祚我皇元王者施行

至大元年月 日

右加封詔書正書在江甯縣學戟門內別速臺書文載
元文類係閭復撰按詔下于大德十一年九月刻石流
傳至今尚多節觀之所見已二十三通文同而字體篆
隸正行及蒙古書不一然多遜此刻當以建康學冠江
南故較他處猶鄭重也碑陰三列上記立碑年月月中下
紀人名

加封孔子碑陰

夫子之道亘萬世其無以俾大欽惟國朝文致太平先皇帝加
號追封綸言播告周天之下所在郡縣學咸刻金石奉揚休命
惟建康有學雄冠江南臺察簽議刊立豐碑庇以隆棟用稱尊
崇盛典乃構亭於櫺星門外泮水之濱輪奐翼然與廟學相輝
炳既訖事并列府臣文學臣氏名於碑之陰皇慶二年八月日
立石

江甯金石記卷六

奉議大夫江南諸道行御史臺監察御史臣別速臺書并篆蓋
第一列
將仕郎建康路總管府提控案牘兼照磨承發架口臣燕口

將仕郎建康路總管府知事臣丁從禮承事郎建康路總管府
經歷臣李原承直郎建康路總管府推官臣許士常承直郎建
康路總管府推官臣鄒衡承德郎建康路總管府判官臣的斤
奉議大夫建康路總管府治中臣察罕少中大夫同知建康路
總管府事臣沙的少中大夫建康路總管兼管內勸農事臣王
鏊奉政大夫建康路總管府達魯花赤兼管內勸農事臣瓜都

第二列
正書

建康路儒學學錄臣胡助建康路儒學學正臣賈汝霖
建康路儒學教授臣張拱辰
第三列
正書

建康路句容縣重建學記

至元丁丑江左既平詔置行臺揚州於以正風化而新民彝也
今翰學西皋趙公為侍御史實膺持憲之寄後三十年其子靖
初筮得句容尹亦維揚分邑恪遵嚴範力于政而躬于廉首以
風化之原繫于學學政未舉心撫字而職承宣者能追其責歟
暨監邑簿佐捐俸金勉以率眾儒人唐思謙王起龍等餘六十
人咸知尹君見聞之早淵源之富說以聽從而服其役為禮殿
崇踰舊者及尋深廣稱之賢庶崇廣皆倍其舊講室為楹五翼
以四齋楹八圖書禮樂各有庫戟門櫺星門凡再重而闢則十
二中外煥新規設一合於禮二年甯告歸公詢其為政之要喜
之走書歷下設構以記構惟三代之學不可見而三代之所以
為教者布之方策既詳且著黨庠里序等而上之無非教也萬
家劇邑介乎江浙華庶之鄉業兮新宮雲敷霞峙袞服當座侑
享從祀以序教之有方養之有漸紳佩羣集時肄季考絃誦之
音既聞而揖讓之儀重見豈庸庸所能辦哉不患無功患人不
為以君之雅才通識泓然詣理擴其所施宜有大于此者宜其
不詭流俗不懾浮議不軌敝以躡人之後也善良則扶之豪猾
則斥之歲離于飢豫言以防災賦非土產亟請而獲免一念之
頃莫非為民而庶工庶獄能飭能詳次以咸整亦三代先教後
刑之遺義歟君將南還升堂振矩為諸生講正學以恢道統方
春夙駕行并里告之以孝弟忠信抑其末而本是從俗近鄒魯
自昔而然革其舊譎悉如舊俗志願斯畢矣雖然昔賢之事業

江甯金石記卷六

自昔而然革其舊譎悉如舊俗志願斯畢矣雖然昔賢之事業

光偉卓犖垂範于世者非一載其位食其祿不有以振起之則日以隳裂莫可禦已荀氏慈明陳門季方龔雍熙之軌而出應世用皆足以準的羣倫又何暇于他取哉句容之火何其幸歟碑末刻典史張天裕陳圭句容縣尉劉仁毅進義尉句容縣主簿畢拜都承事郎句容縣尹兼勸農事朱全忠顯校尉句容縣達魯花赤兼勸農事容

右碑正書翰林學士承旨中奉大夫知制誥兼修國史王構撰承德郎江南諸道行御史臺監察御史潘汝劄書并篆額至大三年五月望日立石縣尉劉仁毅金陵新志誤作劉毅應从碑為正

建康路文廟祭器記

夫先王之立禮也有本有文忠信禮之本也義理禮之文也本以主乎忠而不敢懈文以口乎外而不可闕所謂無本不立無

江南金石記卷六

文不行也別器數制度莫不起於時之宜事之當而有以成施於祭祀必盡已以實內外一致方能感格斯五禮中尤為難者其本與文一或有闕則誠亦不至雖勉卒事不陷于如不祭者幾希是故擴忠信義理於齋莊恭敬拜起坐立儀不少愆者亦本之所以立也重簋籩豆行列有數物不少差者亦文之所以行也故曰器有一之不備則禮有二之不行是以本既立矣文既行矣內外交盡禮不虛矣明則人物懷其仁幽則鬼神饗其德必至乎是則祀事孔明庶無悔矣建康為江南名郡又臺寮佐焉廟貌巍然學校修整祀器毀於大德壬寅之火存者什不二三若弗補完是文不行於外而內雖有本安得獨立耶我堂堂聖元大興文治加封孔子報德報功隆禮丁祀有司奉行固不敢不致如狂之誠然而黍稷之馨弗實于簠簋水盥之品弗

登于籩豆雖曰明德惟馨亦奚指彼以明此哉於是臺寮上下議論僉同遂命提學官本路治中也先普化購銅訪得冶金之攬工者仍俾董其役既成形製高古凡三閱月而功畢舛於至大己酉之良月以數計之一千八十二可謂大備矣噫器之一具也柔盛庶品一或不登無以表其明德今器既具矣庶品既登矣誠或不足於有事之際雖黍稷之馨神亦不饗所謂誠為實禮為虛也有事于籩豆者可不謹乎校官游鄭良學正方機學錄劉應參懇求文石辭弗獲免忘其固陋為之記碑末刻建康路儒學張拱辰立石郡人鄭梓編

右碑并陰俱正書在江南學宮前國子博士從仕郎江南諸道行御史臺監察御史劉泰撰承德郎江南諸道行御史臺監察御史潘汝劄書奉議大夫江南諸道行御史臺都事杜溥題額至大三年九月立

江南金石記卷六

碑陰

祭器總目

- 坵壹百貳拾
- 簠壹百貳拾肆 蓋全
- 豆壹百柒拾肆 蓋全
- 儀尊陸 象尊貳
- 壺尊陸 大尊貳
- 山尊貳 著尊貳
- 龍杓壹拾叁
- 盥洗各叁
- 大香鑪貳

大花餅肆

總計壹千壹百有陸

建康路學祭器總數之記

始建康學鑄祭器若干以為大備御史劉公泰為之記會教授張君拱辰至有事于上丁陳其筮簋尊豆鬯爵不合儀式願猶有闕者退謀之提學官治中梁侯也先普化曰吾嘗不滿于是君意雅合弗可以弗完爰稟憲臺復購銅召舊匠開冶命學正賈君汝霖董其役凡三月畢工教授俾助以數具書于石庶來者有考焉按筮貳副簋一副爵二十一坩五十有七此南唐舊物僅存者爾山尊二著尊二大尊二壺尊陸象尊六犧尊六鬯洗三副龍杓一十三坩八十有二爵一百丹九豆一百七十有四副簋一百二十有二簋如簋之數而加一焉大鑪二大餅四

江甯金石記卷六

此前鑄之目劉公所記者也鬯洗一龍杓一爵十小鑪二十有五豆一百丹九此後鑄之目舊新後先總以件計一千四百一十有八器至是始備惟張君主席三年以教以養以興以補臺評士論翁然稱之若他役倍是不書而獨書祭器者尊禮也可謂知所重矣助之不敢不書以是夫

碑後刻
鄭祥刻

右碑正書在本學建康路儒學學錄胡助記并書皇慶

二年春正月哉生魄建

建康路三茅山崇禧萬壽宮記

華陽洞天自茅君以神道設教瑞人神士不可梯接者代有人焉厯考其間惟隱居陶真人立館以處高弟所以啟佑其後人者為最盛今之崇禧觀隱居曲林館也唐貞觀間太宗以昇真王真人有潛藩之舊且嘗師事隱居遂建太平觀以居之賜田

與山贍其學者殮錢餉粟月給所轄宮觀十有二宋政和三年始分田以給之使自養其弟子具載山志宋改太平觀為崇禧

揭虔安靈有盛無斁式克至于今日廣殿修廊宏宏鞞轍樓題曠炳之飾旛花香火之供千餘年閱其崇奉未有如此之盛者也於皇三君威神在天陰騭默相華陽道派如魯洙泗世有升降道無升降時有顯晦道無顯晦陶真人之于三君也神交文寥之上王真人之于隱居也心授問答之閒縣縣延延往過來續千載如一日皇元肇興天兵南渡神明所扶壇宇如故心遠鄒君道元若造物者擬其人為時而出叫闔闔于九天之上上方偃武修文以清靜為壇以慈儉為宇垂意元教命鄒君道元掌教事盡護諸山厥後東湖洪君宗源復陽楊君元澈碧泉蔡君德溥繼繼承用保有累朝之寵命俾熾而昌皇慶初元春南鳩陳君志新入覲上覲天光于清都紫微之閒承九重之殊渥荷真人之美名上賜金襴道衣以為身章延祐四年秋南鳩君私竊自念崇禧道場自昔總轄諸山實為上帝垂休儲祉之所不有以表章之何以明有尊乞陞崇禧為宣白之集賢諸公以其事聞于朝嗣歲陞辭還山上復降香以榮其歸延祐六年八月廿二日玉音自天而下賜號曰崇禧萬壽宮元教大宗師上卿大真人吳公與有功焉是日也榮光異氣上燭層霄崇山峻嶺咸有矜色真人陳志新率羽士稽首再拜于道之左對揚休命曰明明天子萬壽萬年實與太元司命君自混沌溟滓開闢之始赤明龍漢浩劫之前俱以願力裁成輔相以左右民雖今昔殊時幽顯異迹其受命于皇皇后帝則異世而向符也于虜休哉既而冠巾之眾如出一口而祝之曰陳真人自隱居陶

江甯金石記卷六

與山贍其學者殮錢餉粟月給所轄宮觀十有二宋政和三年始分田以給之使自養其弟子具載山志宋改太平觀為崇禧揭虔安靈有盛無斁式克至于今日廣殿修廊宏宏鞞轍樓題曠炳之飾旛花香火之供千餘年閱其崇奉未有如此之盛者也於皇三君威神在天陰騭默相華陽道派如魯洙泗世有升降道無升降時有顯晦道無顯晦陶真人之于三君也神交文寥之上王真人之于隱居也心授問答之閒縣縣延延往過來續千載如一日皇元肇興天兵南渡神明所扶壇宇如故心遠鄒君道元若造物者擬其人為時而出叫闔闔于九天之上上方偃武修文以清靜為壇以慈儉為宇垂意元教命鄒君道元掌教事盡護諸山厥後東湖洪君宗源復陽楊君元澈碧泉蔡君德溥繼繼承用保有累朝之寵命俾熾而昌皇慶初元春南鳩陳君志新入覲上覲天光于清都紫微之閒承九重之殊渥荷真人之美名上賜金襴道衣以為身章延祐四年秋南鳩君私竊自念崇禧道場自昔總轄諸山實為上帝垂休儲祉之所不有以表章之何以明有尊乞陞崇禧為宣白之集賢諸公以其事聞于朝嗣歲陞辭還山上復降香以榮其歸延祐六年八月廿二日玉音自天而下賜號曰崇禧萬壽宮元教大宗師上卿大真人吳公與有功焉是日也榮光異氣上燭層霄崇山峻嶺咸有矜色真人陳志新率羽士稽首再拜于道之左對揚休命曰明明天子萬壽萬年實與太元司命君自混沌溟滓開闢之始赤明龍漢浩劫之前俱以願力裁成輔相以左右民雖今昔殊時幽顯異迹其受命于皇皇后帝則異世而向符也于虜休哉既而冠巾之眾如出一口而祝之曰陳真人自隱居陶

真人立館以來既嘗為太平觀矣又嘗為崇禧觀矣上賜今額甚盛舉也他日秉國史之筆者繫年繫月繫日大書之曰改觀為宮自南塢真人陳志新始其皇恩如天將何以報塞耶惟我真人在帝左右必敬必恭早夜以思殫成元功庶其有以荅君師寵綏之造而真人亦有無窮之聞真人曰三君之靈也吾皇之賜也臣何力之有焉敢不敬恭以從祝規延祐泰年夏四月南塢君俾去疾紀其事以傳方來去疾謂必有山元卿其人而後為新宮銘草野之文何足以紀盛事辭不獲命乃舉前說為之記而又薰沐係之以詩曰

自有宇宙有此山開山者誰高辛氏耿耿社哉大元君天之輔相民怙恃曲林舊館陶真人潛德幽光發于祀山圖飛上天皇家雲漢分章來萬里煌煌崇禧萬壽宮巨扁鸞飛義獻字鳳歌

江甯金石記卷六

鶴舞銜鈞韶山川鬼神共歡喜物不疵癘年穀豐乾坤清夷風日美皇帝怡愉奉太皇萬年億載自今始碑後刻宏道明神靖諸宮觀庵院住持崇禧萬壽宮陳志新立石江左鄭梓材鐫字

右碑行書從仕郎鎮江路錄事致仕王去疾為文前翰

林學士承旨榮祿大夫知制誥兼修國史趙孟頫書并

篆額大元至治元年正月十五日建碑在本觀仁宗教

云朕流觀山圖夷考仙蹟瞻曲林之舊館實宏景之故

居原其建立之初以處高第弟子及今千載猶想遺風

朕將益崇神明用著高尚其建康路三茅山崇禧觀可

準元教張嗣師掌教真人吳全節所請賜號曰崇禧萬

壽宮主者施行事在延祐六年三月日此敕元紀不載

第是年兩賜僧鈔猶且特書則此敕之見遺果何故耶

當日朝廷移行下州縣必曰主者施行者本後漢黃瓊傳也

句容縣學鄉賢祠記

祠鄉賢所以善風俗表忠孝所以厚綱常容邑祠非其鬼者甚眾古所謂鄉先生沒而可祭者學未有祠非缺典歟泰定乙丑乃始闢講堂之西按邑志及史書唐有張公諱常洵居喪盡孝廬墓三十六年劉公諱鄴事主盡義當黃巢之亂不臣賊而死此正李泰伯學記所謂為子死孝為臣死忠者也祠之于學見鄉先生之所以可祭者如此見士之所以為學者當本乎此高山景行之思秋菊黃泉之薦使人親親尊尊之天油然不能自己也其或士之躬行於此稍有款焉不可以升斯堂扣斯門矣然則此舉有關於綱常有補于風化不淺也可不為之記乎冬

江甯金石記卷六

至前十日碑後刻訓導江甯震立石

右碑行書新安胡炳文記門人程益書教諭劉元明篆額定泰三年七月立按炳文字仲虎學者稱雲峯先生

見元史儒學傳

句容縣儒學田籍記

郡有縣學學有田土國家之令典也尚古民淳而俗化工市農畝之夫皆學也中古聖人教養之義備而民知學先王之遺制爾句容縣山名邑為集慶屬縣學官弟子典則猶存皆其江東父兄子弟也學之田以畝計一口六百一十八畝田之二畝則加其一口八地一百六口畝則水之塘畝有五畝歲入以斛計大小麥物九十六畝粟倍于麥畝又加其三十四畝十六畝楮以貫計口百六十八畝延祐經理士緩于防細戶為口

弊而更其舊□□□府用□者例凡江南學院令有司稽其田□之實郡諸侯與邑大夫□提其約載諸方□且刻石焉去年秋良知承乏于學遂合其儒□胥吏俾贊其藉並加型焉後之君子庶有徵諸碑未刻陳應鳳典史陳口輔艷茂芳句容縣簿入哈藍沙承直即句容縣尹兼勸農事殷貞進義尉尉集慶路句容縣達魯花亦兼勸農事那懷樹立學使江濟監工番易朱漢刻字

右碑行書在本學教諭許良知撰延陵吳口文書并篆額至順二年二月十五日立

加封孔子父母及并官氏詔

上天眷命皇帝聖旨闕里有家系出神明之胄尼山請禱天啟聖人之生朕聿觀人文敷求往哲惟孔氏之有作集羣聖之大成原道統則竟授舜傳之周文王論世家則契至湯下逮正考

江甯金石記卷六

甫其明德也遠矣故生知者出焉有開必先克昌厥後如太極之生天地如鉅海之有本源雲初既襲於上公之封考妣宜际夫素王之爵於戲君子之道考而不繆建而不悖予以敦典而敘倫宗廟之禮愛其所親敬其所尊於以報功而崇德尙篤其慶以相斯文齊國公叔梁紇可加封啟聖王魯國太夫人顏氏可加封啟聖王夫人主者施行

至元二年 實 九月 日

上天眷命皇帝聖旨我國家倬典禮以彌文本闡門而成教乃瞻素王之廟尙虛元媿之封有其舉之斯爲盛矣大成至聖文宣王妻并官氏來嬪聖室垂裕世家籩豆出房因流風于殷禮琴瑟在御存燕樂于魯堂功言邈若于遺聞儀範儼乎其合德作爾禕衣之像稱其命鼎之銘噫秩秩彝倫吾欲廣關睢鵲巢

之化皇皇文治天其興河圖鳳鳥之祥可特封大成至聖文宣王夫人主者施行

至順二年 實 六月 日

右碑正書并加封四配詔俱在江甯縣學元史文宗紀及祭祀志祇載加封啟聖王及夫人而不及并官氏之封史之闕文也竹汀先生云加封事在至順元年二月戊申碑書至順二年六月蓋立石之年也家語孔子年十九娶于宋丁官氏之女今攷漢韓勅禮器碑本作并官宋祥符追封及此詔亦皆作并官文字明白可證家語傳寫之誤廣韻先賢傳孔子妻并官氏今本引亦誤爲元蓋流俗相傳失其本真惟石刻出于千載以前者信有徵也

江甯金石記卷六

加封顏子孟子詔

上天眷命皇帝聖旨朕惟得孔氏之門入聖人之域顏子一人而已觀其不遷怒不貳過以成復禮之功無伐善無施勞益著爲仁之效益將不日而化矣惜乎天不假之年也朕緬懷哲人留心聖學將大新于風教故特侈於褒加於戲用之則行舍之則藏雖潛德一時之不顯吾見其進未見其止願聖言百世而彌彰尙復寵光丕隆文治可加封究國復聖公主者施行

至元二年 實 九月 日

上天眷命皇帝聖旨孟子百世之師也方戰國之從橫異端之充塞不有君子執任斯文觀夫七篇之書惓惓乎致君澤民之心凜凜乎拔本塞源之論黜霸功而行王道距詖行而放淫辭可謂有功聖門追配神禹者矣朕若稽聖學祇服格言乃著新

稱以彰渥典於戲誦詩書而尚友緬懷鄒魯之風非仁義則不陳期底唐虞之治英風千載蔚有耿光可加封鄒國亞聖公主者施行

至順二年實九月 日

加封會子子思詔

上天眷命皇帝聖旨朕惟孔子之道曾氏獨得其宗蓋本於誠身而然也觀其始於三省之功卒聞一貫之妙是以友于顏淵而無愧授之思孟而不墮者歟朕仰慕休風景行先哲爰因舊爵崇以新稱於戲聖神繼天立極以來道統之傳遠矣國家化民成俗之功大學之書具焉其相子之修齊茲式彰于褒顯可加封鄒國宗聖公主者施行

至順二年實九月 日

江甯金石記卷六

上天眷命皇帝聖旨昔會子得聖人之傳而子思克承厥緒稽夫中庸之一書實開聖學於千載朕自臨御以來每以嘉惠斯文為念萬幾之暇覽觀載籍至於致中和而天地位萬物育雅畱意焉夫爵秩之崇既隆於升配景行之懿可後於褒加於戲有仲尼作於前孰儼世家之盛得孟子振其後益昌斯道之傳渥命其承茂隆丕緒可加封沂國述聖公主者施行

至順二年實九月 日

加封程明道伊川詔

上天眷命皇帝聖旨朕惟三千之徒莫先顏氏晷言往哲式克似之故河南伯程明道體備至和躬承絕學元氣之會鍾于獨得聖人之道賴以復明繫百代之真儒豈追崇之可後爰蒐盛典爵以上公於戲緬想德容嚴揚休而山立聿新禮命敷渙號

以風行服此寵靈益縣道統可追封豫國公主者施行

至順二年實九月 日

上天眷命皇帝聖旨朕惟孟氏以來千有餘歲不有先覺孰任其承故伊陽伯程伊川本諸躬行動有師法謂初學入德始乎致知格物謂隨時從道在乎觀象玩辭遺書雖見于表章異數尚稽于封冊作之大國庸示褒崇於戲規矩準繩庶有存於矜式火龍麟黻匪徒侈于儀章懋相人文以對休命可追封洛國公主者施行

至順二年實九月 日

右碑三通刻制詞六道在句容縣學未署立石人名按

趙承禧大樂禮器碑云至元二年教諭劉德秀命立石

六跌恭刻皇上勉勵微章先皇帝加封詔書蓋此石德

江甯金石記卷六

秀所立而趙承禧撰文時不知其以制詞兩道同立一碑所以有六跌之說留作留不合六書之正而兩見于詔書未知何故

捨田記碑下題名

至順辛未九月初二日亨公泰庵和尚捨到田地山塘共計入拾陸畝貳拾玖步在艾塘後村范塘柘澗時塘等埠週迴四散坐落謹記

魯公捨田叁畝計五畝壹角坐落侯村後小新塘下承小新塘水利記

右題名正書在祈澤寺紀僧泰亨及魯公施田數目事在至順二年至至元三年始克立碑也

元

聖旨碑

長生天氣力襄大福蔭護助裏皇帝聖旨中書省樞密院御史臺官人每根底行中書省行御史臺宣慰司廉訪司官人每根底各城子裏達魯花赤官人每根底軍官每根底軍人每根底眾百姓每根底秀才每根底宣諭的聖旨集賢院官人每奏我世祖皇帝自潛邸以來首務立學養士及登寶位天下混一內自京師外及郡縣無不立學以明人倫以厚風俗以養人材以隆治本列聖相承諄諄勉勵科舉條章國學典制俱以昭明伏慮有司視為文具怠於舉行今皇帝即位作新學校的聖旨頒降四方以期成效麼道奏有如今科舉取士已有成規國學積

江甯金石記卷七

分省臺公試依已了的聖旨行者秀才儒戶每不揀甚麼差發依著世祖皇帝聖旨體例裏休當者儒戶及民間俊秀子弟入學讀書者各處廟學書院房舍裏官員使臣軍人每休安下休斷詞訟休做筵會休造作休頓放官物地土口土莊田不揀是誰休侵奪者在學錢糧供辦春秋二丁朔望祭祀及師生廩膳贍養貧窮老病之士修理損壞學舍者曲阜林廟如有損壞依例修理者各處先賢墳墓無子孫的所在官司禁治休損壞者儒學提舉教官人等遴選有德行學問的人委用者學校的勾當不揀是誰休沮壞者路府州縣官人每常切用心提調者監察御史廉訪司官人每勉勵體察者這般宣諭了別了的人每他每不怕那聖旨

元統二年三月 賀日

右碑正書在句容縣學按元紀元統二年二月己未朔詔內外興舉學校此詔蓋蒙古語以俗語譯之未經備臣潤色開首三語與家藏雞兒年懿旨碑相似蓋當時寫諭旨之式如此耳

祈澤洽平寺捨田之記

江左勝地古迹洽平六朝遺恨自晉而興有莓蕪澗致祖師生誦法華妙感龍女呈祈求有感祈澤名賡迨此千年香火常興徒僧姓陳其名曰亨自幼捨俗利祿皆傾天之佑之時行道行凡事謹慎而無喻但守本分而和平壽高六旬以上德洽眾士之榮耄今圓寂特據至情將在生但有衣鉢歸常住永作生營怡然而化西方是程佛祖捨身捨命徑達大乘吾師捨田捨財切利當陞我輩聞鐘契飯深慚無德無能自茲一靈不昧法力常增

江甯金石記卷七

又值耆宿魯公和尚 乙亥正月廿六日 同發慨心捨田作常住產同結善因所祈佛力護持者歲在至元丁丑仲春吉日謹

記碑未刻在山 釋示願立石

右碑正書在祈澤寺無書撰人名殆即出于承順之手按靡蕪澗在上元城東三十里齊處士劉翬居此為儒林之宗年四十未婚其友為娶王氏乃詣澗折靡蕪而去因此得名事詳六朝事跡碑作莓蕪澗疑緇流未之深攷而有筆誤耳

孔子小影書後

謹按闕里祖庭廣記唐道子所畫先聖隱居以十弟子從謂之小影摹者多訛至元三年後丁丑冬十一月南臺都事周公孫

舉以耀州學大觀開所勒石本白于侍御張公夢臣經歷廉公亮命學官重鑄于石以示其傳集慶路儒學教授劉一夔學正董經學錄劉天錫敬識

右碑正書在江甯縣學大成殿內祖庭廣記先聖四十

九代孫瓌敬所編

孔子之道萬世準則歷代崇奉有隆無替然未若聖元推尊加號之極其至也國初諸事草創文治未遑太宗英文皇帝建學中都造園子就學士之通經中選者復其家世祖皇帝勅上都天廟聖像十二章服暨純以金飾之登用儒先禮聘文學之士學校有官鄉社有師詔旨敦勉著于令甲武宗仁惠宣孝皇帝加大成至聖文宣王號遣使闕里以太牢祀郡縣廟學敷宣繪

江甯金石記卷七

言鐫之貞石昭示永久仁宗皇帝正孔廟配享位以宋九儒賢先正許魏公列諸祀文宗聖明元孝皇帝繼志述事加封宣聖考妣齊國公曰啟聖王魯國太夫人曰啟聖王夫人厥配并官氏曰大成至聖文宣王夫人加究國復聖公鄒國宗聖公沂國述聖公鄒國亞聖公復追封二程子河南伯爲豫國公伊陽伯爲雒國公朝議刻制中外廟學于是集慶路句容縣尹李允中教諭劉德秀葺石就韻書刻有日謂宜有紀述以彰昭代右文之懿宜聖五十四代孫思立適爲監察御史請之起巖至於再三豈以起巖常承乏胃監累官史局詞垣于紀述爲宜也哉蓋前聖之道得孔子祖述憲章而益以顯後聖之心必孔子是則微而爲盡善夫師其心必崇其教崇其教而不論其世可乎斯道之所以亘萬世而不弊大倫以明生民以安世運以昌一皆

原于聖人而尊其所生以及其配允謂稱情矣況斯道之傳派承所在至于繼絕學而繩墨結盟除習俗開發我人功加于前德垂于後者尤在表襮也夫以國家重民教尊聖學擴充勿達無所不用其極則職乎近民而膺承流宣化之任者其整飭作新當何如哉繼自今以往凡來遊來觀仰瞻奎壁雲漢之章宜知所嚮矣

碑天刻番易朱漢刻字

右碑正書在本學宣聖五十四代孫承德郎江南諸道

行臺御史監察御史孔思立書通奉大夫江南諸道行

御史臺張起巖文并篆額後至元戊寅五月立

句容縣學大樂禮器之碑

皇朝尊尚聖道推崇孔子自國都下逮郡府若州縣莫不有學學必有廟祭必用禮樂參酌古今損益時制釋奠儀式著方令

江甯金石記卷七

典惟其守宰有哲有愚故其禮樂有舉有廢豈亦以禮樂待人而後行歟按梁王世紀漢魏以來闕里雖崇典祀隋唐始詔天下州縣皆立學春秋二丁陳三獻之禮宋政和間始頒大樂禮器許內外族人及縣學生咸使肄習然皆未有若我朝禮樂備舉之爲極其盛也句容爲金陵屬邑學創于開元迄今六百餘年其間興廢不一再紀至元之二年教諭劉德秀來典學事歎垣宇之弗葺切切疚懷白縣長佐縣尹李允中然其言僉謀曰學校乃育才之地風化之原禮樂之所從出也宜相與戮力以振斯文遂擢節歲租度材底法以飭宮牆崇廟貌爲先又命立石六跌恭刻皇上勅勵徽章先皇帝加封宣聖考妣及四配豫洛國公之制詞侍御史張公起巖爲文紀之丹堊一新講習以盛適縣尹秩滿告行謂同寅曰學校苟完美矣雅樂未備官禮

未輯如神之來格何監邑丑鹽敦歪慨然以爲己任率僚佐各捐已俸倡之鄉胥里人相與觀感而樂助焉教諭幸其成不憚勞動贊佐之迺製幅巾深衣感以襦幘角帶革舄會陸拾龜命銅工爲冶造簠簋鬯爵禮器凡百伍拾有壹各分職以執其事至于鍾磬笙簫琴瑟塤箎祝敔篋之具一務精緻以圖永遠而不靳於貲樂生二十五員遴傳雅子弟爲之致郡庠典樂士淑習浹月秋丁告成書其實請記于余余聞之先王之制禮樂也有本有文誠敬和易本也器數制度文也本主乎中文著乎外故郊焉而天神假廟焉而人鬼享用之朝廷則和而平用之邦家則無所處而不當吾夫子曰禮云禮云玉帛云乎哉樂云樂云鐘鼓云乎哉蓋以本立而文有以行也絲衣之紆載弁之練犧牲之備粢盛之修玉帛充庭而鐘鼓在序文既著矣儼乎

江甯金石記卷七

有聲肅若有容齊誠一心對越如在本斯立焉由是而事親從兄序而大和恭遜雍愉之化漸被鄰壤斯則禮樂之實而聖人之大教朝廷尊尙之盛意也器不預焉尙相與勉之碑未刻金字刻

右分書碑在本學賜同進士出身儒林郎江南諸道行御史臺監察御史趙承禧撰文林郎江南諸道行御史臺管勾曹復亨書朝列大夫江南諸道行御史姚絃篆額至元五年五月日建文筆詳贍書法秀整稱元碑之佳者而教諭之職脫脫元史未載蓋缺文也碑陰正書紀造祭器之數亦甚詳備

大樂禮器碑陰

元祭器口口銅祭器壹百壹拾捌事

山尊貳尊尊貳大尊貳口尊貳壘壹盥盆壹象尊貳犧尊貳簠陸連蓋簋陸連蓋杓參坩貳拾肆豆肆拾柒爵拾捌古銅花餅香鑪壹副錫花餅香鑪壹副俎叁拾邊伍拾新祭器禮服雅樂口口銅祭器壹百伍拾壹事爵壹拾柒坩壹拾柒簋貳拾連蓋簋貳拾連蓋豆伍拾沙池伍犧尊貳象尊貳盥盆貳杓肆大鐘壹并架登壹連蓋銅壹連蓋大花餅貳香鑪肆大香爐壹

雅樂壹部

磨竿壹龍頭紅羅銅鐘壹拾陸木架飛鳳龍頭石磬壹拾陸木飛鳳龍頭流蘇裝畫全絃卓全瑟絃馬架全鳳蘇裝畫全管貳笙貳塤貳箎貳琴貳簫貳搏拊貳連條祝壹敔壹連籥禮服陸拾副

江甯金石記卷七

唐帽叁拾玖角帶叁拾玖皂靴叁拾玖雙白北絹襪衫叁拾玖領幅巾貳拾壹深衣貳拾壹領皂履貳拾壹雙以下一列督工江裕學職江清涇江縣森柏純胡體仁孔逢吉江澤民徐麟孫司吏宋士良吳思敬戴瑞許杰王德富湯榮曾元德徐世英柳元英俞志道孫天敘趙仁趙友仁王德懋典史何驥朱廷瑞集慶路句容縣尉集慶路句容縣主簿黃買佳承事郎集慶路句容尹兼勸農事林仲節

方山重修定林寺碑

集慶郡城東南出三十里有方山焉敦厚方正巋然在望於地勢爲貴重者也故宋乾道中蜀僧善鑑築佛寺于山之半請上定林之名而名之度弟子以居二百年于茲矣世有廣學博聞之士出於其間蓋入境相成爲勝者也國朝至元初開講席於

郡之天禧真定德公實來上稟朝廷之旨下爲庶民之歸宣通要言聞見開悟居數十年學者日盛德公之歿用其法闡那之煙焰所及凡竹石林木皆成舍利紺碧圓結人爭取而奉之以求福焉嗣其講者則瓦官戒壇東魯儒公也志樂閑退委而去之自方山來主其席宣慈恩之教沛然於是邦者則退菴無公其人也天歷天子久潛金陵清燕之暇洗心于佛乘凡行道明教之士莫不知名歲己巳無公與二三大僧同朝于京師其徒嵩公偕行召見講法深稱旨意寵遇之厚久畱弗遣明年俄示寂焉上加閔悼思所以繼之者平山嵩公簡在上心卽遣近臣今湖廣行中書省左丞王士宏浙西廉使伯顏帖木兒錫命嵩公主天禧之席嵩公曰上恩深重非所敢當况我遵行有絕流演公請以命之上嘉其能讓不違其請又與歎若曰雖佛氏之言無所忌諱無公既退就寂滅又以絕流繼之非所以廣學海而興大乘也時虞集侍立奎章詔爲更之集以上意更之曰道源于是命士宏傳詔俾演主講于集慶而嵩次之賜伽黎衣織金爲文妙麗殊勝上嘗奉觀音大士香像于內閣及北還出付演嵩崇奉之至是兩賜錢凡伍萬餘緡俾爲閣以居之日致瓜華之供皆士宏所傳旨也既而衣以重幣錫以名香加以美號恩數之隆演嵩二公益無異也及嵩繼演今上皇帝御極嘉惠法林金衣香幣之賜名號之美亦一再至而天禧之盛洋溢于方山之表矣定林三出名士寵光相承泛觀東南未有能及之者矣嵩公思定林之舊而受業師妙至在焉不忍亡其初也乃出衣孟之資興土木之役加意于定林大修寶殿經藏傍及修廊與凡屋之爲羽翼者弊而圖全與更新無異所特作者寺之

江甯金石記卷七

僧堂三門鑄大鐘建樓以居之買田得若干畝取其租以備歲月之完葺者焉功成今浙西廉使伯顏帖木兒治中與集皆同朝過行臺見嵩之成績以書相告請爲之紀焉其來者徑山第一坐道甫蚤受業于定林者也至于山中相從易朔而後從容及之可謂委曲者矣集嘗問之眾生自無始以來執著諸有以受苦極諸佛悲憫示以空法又懼滯于空寂中道出焉是故無有亦有無有亦空則妙有真空無閒然矣使彼蠢然含靈之眾日用而不知者以冰釋疑須識根本此吾佛教意自世祖至于今上皇帝列聖一心崇是教以福斯民有在于是其可無以記之哉崇公身任講事之重不違世法又廣剎海以表其初心道甫分席之山其所以來告者不墮于有爲不滯于無爲故集得以緒言記之也如此

江甯金石記卷七

右方山重修上定林寺之記前奎章閣侍書學士翰林侍講學士通奉大夫知制誥同修國史虞集撰資善大夫湖廣等處行中書省左丞王士宏書正奉大夫江南制西道肅政廉訪使普顏帖木兒篆額至正口年歲在乙丑立孫廷松按元史文宗爲武宗次子至治二年出居南海三年晉王立爲帝改元泰定召帝之瓊州二年又命出居建康碑云天歷天子久潛金陵謂文宗也

重修達奚將軍廟之碑

縣治之東南有達奚將軍廟其神端坐擐甲執兵前侍立者四人歲久廟宇頽毀像飾漫漶有幅楮帖殿東楹數字可辨云梁承聖初洪遜爲國子祭酒其下磨滅莫考最後云至今簷楹烏雀不棲後至元庚辰夏五亢旱邑之長貳徧禱羣祠以祈至廟

邑長丑閻公祝曰神若有靈能降雨澤民當使廟宇一新是夜
樹雨如注迨秋仲復禱晴于神又獲其應歲用以登於是耆老
陳德新紹箕等謀於眾曰在禮能禦災則祀之能捍患則祀之
而山川之神能興雲雨以澤民者咸在祀典今神廟食于茲雖
莫知其始然雨暘之禱各以時應愚等託處茲土宜協力重構
以昭荅神貺且以致祝辭之信於神遂乃鳩工度材因舊基而
拓之深五丈六尺廣半之中爲堂三閤前直兩廡外闢崇門去
廟西北五十步立神道門復鑿石以達于廟巖巖翼閣煥炳
煥始事于十月之望訖工于臘月之朔凡所資費皆翁比以集
而神像部從則邑長貳等相與捐俸飾之既完眾請予紀其事
按達奚本番族蓋因達山奚水得姓魏隋閒著姓西北今將軍
獨以姓顯而名號世載茂有記之者世傳南來時與沈襄王戰

江甯金石記卷七

死於縣西之華墓崗又俗稱環廟之地卽將軍甲城雖其說不
可遽信然予意將軍雄武英烈生必捍禦災患爲國捐軀故民
懷思而廟祀之况歷年之久祈禱嚮應福澤洋溢流于無窮蓋
惟神祐不厭于民是宜官民之崇奉恪恭而廟宇增飭也雖然
神之靈固赫赫而不可誣矣其所以格之者亦惟人之誠信相
孚而已予于是有感焉於戲吾黨膺百里之寄以牧民爲職者
可不思盡撫字之方俾民物安阜以對越于神乎系之以詩曰
武冠韜略稟英姿兮兜鍪杖劍揚旌麾兮奮身爲國載驅馳兮
慶流行溢民懷思兮懷思伊何崇厥祠兮瞻此甲城神靈綏兮
林鬱鬱鬱曲流漪兮歲時報祀潔盛絜兮佑我百里集蕃釐兮
堅珉載勒期永垂兮碑未刻承務集慶路句容縣尹兼勸農
陵樊宏
事李博立石督工司吏朱士良王德富金

右碑正書在句容南城外承事郎前集慶路句容縣尹
兼勸農事林仲節撰文進義副使尉集慶路句容縣主
簿樊嗣祖書并篆額至正二年正月廿二日立按南史
周宏讓梁承聖初爲國子祭酒二年爲仁威將軍城句
容以居命曰仁威壘今碑作洪遜且遺其姓古刻文字
有可以據碑以較史者此則又當據史以正碑也達奚
氏後魏獻帝第五弟之後爲代北著姓見于史者不一
其人然以戰功顯者多在西北今碑所云未知何據
達奚將軍廟碑陰

建廟施財題名

重建廟宇陳德新朱必富樊鎮
瓦瓷廟宇陳紹箕劉宗慶翟慧成許良忠

江甯金石記卷七

周圍墻堵裝砌地面門窗遮陽芮勝富張朝貴張德富徐必富
倪德富

龕帳徐鑄

陳飾居元明

廟門外甃石街紀忠張仁榮戴壽富

神道甃石三十丈提舉司知事張廷瑞

神道門場大明

裝塑聖像本縣官司更孫克新張德亨劉鑄徐處信戴誠姜祀
徐世英曾元德譚永和典史周夢麟趙由道縣尉張奎主簿黃
買住縣尹林承事達魯花赤丑閻敦武焚修陳道良

右碑陰人名中有居姓按杜佑通典晉大夫先且居之

後以王父字爲氏漢有東城侯居般今錢唐多此姓又

有揚姓从才劉氏漢書刊誤云楊氏有兩族赤泉氏从木楊子雲从才攷漢郎中鄭固碑云大男孟子有楊鳥之才又揚德祖與臨淄侯賤云修家子雲視此揚與揚古本相通也

重建清源廟碑銘并序

蜀三神皆在祀典皆因有德與功爲民所敬仰雖皆肇迹西土威靈之烜赫森遠弗屆東南去蜀萬里三禮之祀徧于郡國之間其先後爰巫而清源爲之首稱按史神姓李氏蜀守諱冰之子叔而始祠於灌口繇漢迄唐宋歷千有五百載初侯終王命相繼我國家用監于前代增號于延祐改封于天厯以禮之靈凡再致隆極聖天子嗣位又詔加護國於舊號之上惟神佐又宣力于秦世閩潤崖之險成溉田之利至于凶象之誅萌庶

江甯金石記卷七

呂安惠澤所施被于無窮可謂德孚於民矣在國之初時剽閭帥專征董師于邊以討弗口爰及往歲憲臣定謀堰石捍江大役是興咸禱于神顯獲嘉應可謂功著于國矣方天下一統無閒遠邇夫其在所宜祀則承上之命報事惟一於義爲協不得以山川之祭限于封竟眈爲比行廟所在葺以時固有不可廢者金陵自宋季旣竝祠于三神而清源君獨有專廟于城南廟之故榜置宋年曰嘉熙蓋嘗葺其壞推所由建則郡志森所孝而遺老旣盡莫有能知之者地據會昇陞級以登面城而頰之亦爽特出宜爲神栖然其因山呂基隘弗加闕度址而構痺以求稱不足以嚴事大神況積日之久廢燒墮夷恬習日常而瞻敬益衰粵戴氏榮祖實維邑人嘗欲改化崇墜以暨門廡而弗果後卒之二年嗣子元吉思成其父志乃以緡錢二萬庀

五與材合僚友之助告于邑令張侯遜顯舉而新之棟宇以隆像設呂華復拓地爲前庭爲重門整途以達于外將以至正元年六月十五日落成于廟邑士相率致令之言曰惟昔之葺歲月弗紀闕焉目及今又森辭以著改之所始非所目垂示遐久之道謹具碑廟門而揭其刻石之辭戴氏之居鄉也凡媼族閩里之孤貧周之無所吝人皆稱之以爲惠益能用其財而施以義者元吉克肖而謹口口其臬也無難焉繼自今不惟禮安厥居民亦將永有庇賴口口不承其休祉是口口銘曰

江甯金石記卷七

業業新廟兮于彼南岡赫赫明明神兮于蒸日嘗神惟民祐兮爲父爲母捍患禦災兮功剛多有帝嘉神功兮寵錫褒封爲國報神兮敢或不共葺祠孔肅兮彘走攸服民職當然兮匪凱傲福維西有梁兮道阻且長望神之來兮雲旆央央牲醪既戒兮敬

事無忘神樂視民兮如西之愛匪廟曷甯兮匪人曷興構葺之勤兮宜後其承爰述成績兮託于貞石用告事神兮有永無極

碑後刻集慶路承務郎集慶路江甯縣尹兼勸農事張遜立石

右碑分書在江甯雨花岡三茅行宮內將仕佐郎甯國路南陵縣王簿李桓撰從仕郎江南諸道行臺御史臺監察御史管勾承發照磨兼獄丞趙儼書奉議大夫江南諸道行御史臺監察御史元顏思忠篆額至正二年歲在壬午三月十九日立額仿漢制刻刻鶴鹿各一碑云三神者清源梓潼射洪也三神祠皆盛于宋時晁氏讀書志有蜀三神祠碑文五卷并虔任四川漕日哀集成書當時崇奉之盛如此按元紀至順元年正月加封秦蜀郡太守李冰爲聖德廣裕英惠王其子二郎神爲

英烈昭靈顯仁祐王據碑言延祐增號及順帝時加護國字則史所未載蓋元史諸帝紀不出一人之手或詳或略無一定之例也

清源廟碑陰

新建廟庭助鈔信士芳名於後

戴榮貴捐已財裝塑聖像一堂及龕帳供桌全備王實甫貳拾伍錠李子善貳拾錠王仁甫壹拾錠口思齊伍錠下缺二口執人名中貳錠口仲明貳錠王君祥貳錠徐仲友壹錠方子厚壹錠金仲英壹錠趙仲口壹錠福院主壹錠至正壬午三月吉日戴元吉識募緣焚修眞元羽士李成

王惲秋澗集云元朝至元寶鈔凡十等一十文爲半錢二十文爲一錢三十文爲一錢半五十文爲二錢半一

江甯金石記卷七

百文爲五錢二百文爲一貫三百爲一貫五錢五百文爲二貫五錢一貫爲五兩二貫爲十兩五箇一貫爲半錠五箇二貫爲一錠元史食貨志其言鈔法只書十計百計貫計而未及錠計闕此碑陰初不得解因詳錄於此

集慶路卞將軍新廟記

君子之爲治也先事而致思舉一以諷百是以臯陶伊尹舉而不仁者遠孔子作春秋而亂臣賊子懼孟子以比於洪水之平知幾其神乎此識者之所以撫事而三歎也東晉之興僅以自立詩曰無競惟人不有君子其能國乎卞將軍與王茂宏諸人共佐成帝將軍慷慨之論茂宏猶將愧之蘇峻之召將軍蓋力論之而庾元規不察也峻入而事迫以都督出戰力疾赴敵以

死二子從之雖將軍父子忠孝垂諸千載而無愧贈官表墓疊見於身後而溫之跋扈元之僭逆相望而起使將軍在豈復有敢侮而運者乎後之國于東南者顧瞻山川思其風烈廟祀固有不可廢者矣宋之慶厯可謂全盛金陵遯在江南而守臣刻石表墓以率其人者其志亦微矣迨至元祐口忠厚老成之君子其餘無幾而一切功名之說其禍未已守臣會公肇大興將軍之祠作文以記之其意之所在以爲西晉以來清談勝而節義廢學士大夫不以苟免爲恥慨然於將軍之所不可及者孰謂無數十年而宋遂亡其致禍之由豈真清談之流乎宋之南渡視晉不甚相遠異懦苟且阿附患失之小人瀆亂國是有志之士不遠去則死耳卒不得略如其志若魏國忠獻張公其人也胡忠簡公銓以口語爭之卒陷大禍宜其於將軍之祠髣髴慷慨而不能自己是以胡公爲張公記將軍廟事將以發千古之悲開來世之烈後十餘年文武之臣有以禦侮而定難以存社稷者蓋諸君子相與風動之也嗚呼往事不足言矣洪惟我世祖皇帝觀兵大江隨定南服方伯連帥列置郡會惟金陵東南之總也是以挈其領而爲治焉置行御史臺等耳目之寓以臨察之潛機深略聖謨宏遠矣哉是以江海之表大小宰職民物又安則咎有以畏服其心而然也噫天下治平之日久矣列土分邦豈復有前代一隅之慮乎然安不忘危治不忘亂此識時之俊傑常存心于不見是圖之時也是以令臺臣激濁揚清其生存于今者固無不盡而荒邱遺廟近接見聞有可以表章若卞將軍之祠者亦無所遺忘長願却慮致悠久之思於隱微之間此豈非世祖皇帝至于列聖之所以望于耳目之臣者哉

江甯金石記卷七